



UNIVERSITÄTS-
BIBLIOTHEK
PADERBORN

Ocvlvs, Hoc Est: Fvndamentvm Opticvm

Scheiner, Christoph

Freiburg i. B., 1621

Cap. VI. Quid ex hac apparentia addiscendum.

[urn:nbn:de:hbz:466:1-71258](#)

lux, quam species directæ vehementiores à circumstantibus partibus sint exclusæ; hinc sit ut in eadem chartæ parte conspiciat oculus rem eandem, loco quoque, per radios reflexos ad angulos incidentijs minimè æquales. Caussa est, quia minor lux, & debilior species munus suum exercet, in oculo, quando maior excluditur, ut hic sit, Signum huius est manifestum, quod quando quis easdem species loco obtenebrato receptas in speculū admittit, iam propter lœuorem speculi difficillimè vider, videt tamen, id quod in charta notauit. Caussa est, quia lux lœuorem nocta vehementius resilit, oculum plus occupat, ideoq; reliqua debiliora obfuscat, &c. Quod si quis contendat etiam hic visionem fieri per angulos incidentijs æquales, eo quod ob chartæ scabriem semper radius incidens in eodem quasi sensibili punto inueniat superficies aliter aliterque inclinatas: quæ sine dubio radios reflectant sicut acceperunt incidentes, & sic defendi posse, etiā hoc phænomenon spectari per radios reflexos ad angulos æquales angulis incidentiæ, &c. cum tali ego homine non multum pugnauerim, pro quo etiam militat murus & omnia ferme directe visa, ab ijs enim certū est lucem reflecti, & reflexam probabile videri ad angulos æquales angulis incidentiæ, &c. Rationem tamen tentent dare qui ita opinantur, cur in speculo tersissimo, phænomenon hoc, licet valde tenuitur appareat? Nunquid enim dicent, specula exquisitissimè polita, etiam in æquali aut aspera superficie prædicta esse? quod si hoc non dicant, quomodo lucem & species ab ijs reflectent, ad angulos æquales angulis incidentiæ

Et sic dupli modo defendi potest obiectum reflexè visum: vel ad angulos incidentiæ æquales, iuxta datam explicationem, quæ mihi tamen non admodum arridet; vel in æquales, quod valet propter obscuritatem loci.

D V B I V M . I V .
Q V I D E X H O C P H O E N O M E -
no addiscamus.

C A P U T VI

I. Disci-

1. **D**icimus species visibiles dari. Id enim quod in charta de-pingitur non est nihil, & tamen non est ipse met color in obiecto, neque mera lux.

2. Non esse certum, species visibiles non posse videri, sed con-trarium valde probabile. Vti multi probi auctores docent. Neq; interim hęc doctrina Philosopho aduersatur. ipse enim tantū né-gat eas species videri, quibus immediate sentimus, quæ sunt in so-lo formalī visionis organo. eas enim non videmus, sed per il-las, &c.

3. Species in se diuisibiles esse: & partem speciei partem ob-iecti repräsentare.

4. Eadem insuper formales non virtuales tantum esse obie-ctorum imágines, quemadmodum pictura in charta edocet.

5. Magnitudines rerum visarum posse mensurari, è propor-tione imaginis visę, ad distantiam intersectionis communis. Ut enim diameter imaginis in charta visę, ad axem pyramidis euer-sę, ita diameter baseos obiecti ad axem pyramidis directę. ex data ergo vel latitudine obiecti, mox eliciam eius distantiam: vel ex data distantia eruam latitudinem, &c. Vnde haud difficile erit situm & distantiam duorum, trium plurium locorum indagare, dummodo in charta distincte compareant.

6. Hac specierum introductione ad vnguem delineari pos-sunt res quævis, dummodo charta in obscuro posita stabiliatur, & res foris immota, in tanta à foramine distantia maneat, ut species suas viuaces intromittat. Sic enim non tantum lineamenta, sed & ipsos colores in papyro imitari poteris. Quousque verò huius rei utilitas & latitudo sese extendat explicari nunc pro instituta breuitate, haud potest. Latissimum enim campum hic habet v-niuersa scientia graphica, & in specie, Geographia, Topographia, Prosopographicè, Ars pingendi, &c.

7. Hinc etiā multis ludicris spectaculis campus aperitur, ita ut huius phænomeni ignarus, iuret absque magia dæmoniaca præsta-ri hęc non posse; cum tamen naturalissime omnia contingent.

8. Omnim verò maximam specierum istarum laudē cen-suerim, quod philosophum oculi atque organi visorij speculatio-

S 2 ni de-

ni deditum, manu quodammodo ducant, & in reconditissimātū rerum clarissimā cognitionem ita inducant, uti oculis veluti videat & manibus palpet in nulla alia oculi parte, quam in sola tunica Retina visuæ facultatis arcem esse constitutam. Quam veritatem ut omnibus patefaciam ignoscet, si huic materię paulò diutius cùm necessitatis tum dignitatis ergo immorabor.

IMMISSARVM PER VITRVM ARTIFICIOSUM aut foramen nūdum absque
vitro specierum, aliquot proprietates enucleatius explicatae.

CAPVT VII.

1. Species hæ plurimum differūt ab ijs, quas radijs à speculo ex lucido aëre reflexis inspicimus. Etenim istæ profundum speculi apparterent subintrant, hæ superficiei papyri quodammodo supernatāt, ipsamque summitatē papyri quasi subtili atque tenui quodam velo mollissimè superinduunt, ita ut chartæ nativa superficies suauiter transpareat.
2. Species in speculo, stante speculo & obiecto, situm & locum mutant, horum vel illorum concedente visu; cuius contrarium sit in nostris picturis. nam quocunque recedat oculus, pictura speciei loco immota stat.
3. Augentur & minuantur reflexæ à speculo imagines, solius oculi accessu vel recessu à speculo. Quod hic non fit, sed quādiu charta ab obiecto, vel hoc à charta eandem distantiam retinet, tamdiu imago magnitudinem inuariatam seruat, quantumcunq; recedat oculus ab illa, vel accedat.
4. Si speculum retēta eadem distantia ab obiecto, in latus aliquod retorquetur, manentibus oculo & obiecto immotis, continuo amittitur obiectum, & alia visuntur, etiamsi ab obiecto rectæ adhuc lineæ in planum speculi cadant; quod hic non fit; sed semper obiectum visitur, quamdiu lineæ rectæ ab eo in chartam per